

ტექნიკური მოთხოვნები

- უსახლკარო ცხოველთა იზოლირება ჰუმანური/უმტკივნეულო მეთოდით ხელით/ლასოთი/ბადით, დეჰელმენტიზაცია (დამუშავება ჭიებზე, გარე პარაზიტებზე), სტერილიზაცია/კასტრაცია, ვაქცინაცია, იდენტიფიკაცია (სპეციალური ძაღლისათვის განკუთვნილი ქარხნული დანომრილი საჭდით, ბირკით ან საჭიროების შემთხვევაში ჩიპით), თითოეული მონაცემის ასახვა სარეგისტრაციო შესაბამის ბლანკში და ყველა საჭირო პროცედურის შესრულების შემდგომ დაბრუნება აყვანის ადგილას, თავშესაფარში მყოფი ცხოველი უნდა იკვებოს ძაღლისათვის განკუთვნილი სპეციალური ქარხნული წარმოების საკვებით;
- თანამშრომელთა აღჭურვა სპეციალური უნიფორმით, ხელთათმანით; – ცხოველთა განთავსება საკარანტინე და შემდგომ იზოლირების ვოლიერებში, რომელიც აღჭურვილი იქნება ვენტილაციით, განათებით, გათბობით;
- ცხოველის სიცოცხლესთან შეუთავსებელი მდგომარეობის შემთხვევაში ცხოველის ევთანაზია, ევთანაზიის დროს უნდა შედგეს ვეტერინარი ექიმის მიერ შესაბამისი აქტი, ცხოველის ევთანაზიის საჭიროების შემთხვევაში საკითხი ინდივიდუალურად უნდა შეთანხმდეს ცხოველთა დაცვის დაინტერესებული ორგანიზაციების წარმომადგენელ(ებ)თან;
- ცხოველთა დაცვის ორგანიზაციის (ცხოველთა დაცვის ორგანიზაციებთან ურთიერთთანამშრომლობა გათვალისწინებულია საქართველოს მთავრობის დადგენილება №690-ის შესაბამისად) სპეციალისტისათვის ადგილის გამოყოფა ცხოველთა იზოლირებისათვის განკუთვნილ ავტოსატრანსპორტო საშუალებაში და თავშესაფარის ტერიტორიაზე უსაფრთხოების წესების უზრუნველყოფა შემსყიდველი ორგანიზაციის წარმომადგენლისა და მონიტორინგის განმახორციელებელი ორგანიზაციის წარმომადგენლისათვის;
- ძაღლების იდენტიფიკაცია უნდა განხორციელდეს დანომრილი თავით და ნომერი უნდა გატარდეს სპეციალურ რეგისტრაციის ჟურნალში და ელექტრონულ ბაზაში, რომელშიც ასევე უნდა იყოს დატანილი ინფორმაცია ძაღლის იზოლირების თარიღის, იზოლირებული ძაღლის ვაქცინაციის თარიღის, ძაღლის აღწერილობის და აყვანის ადგილას ძაღლის დაბრუნების თარიღის შესახებ, თავშესაფარიდან გაჩუქებული ძაღლების შემთხვევაში შესაბამისი გაჩუქების აქტების გაფორმება და შენახვა, აღნიშნული პროცედურების ჩატარების შემდგომ ცხოველების დაბრუნება აყვანის ადგილას;
- ცხოველთა იზოლირებისათვის ავტოსატრანსპორტო საშუალების (სადაც სატრანსპორტო ვოლიერები განთავსებულია ერთმანეთისაგან იზოლირებულად) დეზინფექცია, თავშესაფარის ვოლიერებისა და თავშესაფარის დანარჩენი ნაწილის დეზინფექცია დღეში ორჯერ (საჭიროების შემთხვევაში მეტჯერ) შესაბამისი სპეციალური ქიმიური საშუალებით, ქიმიური საშუალების ეფექტურობა და ხარისხი უნდა იყოს შეთანხმებული ვეტერინარულ ორგანიზაციასთან, ხოლო სადეზინფექციო საშუალებების შესყიდვის დოკუმენტები უნდა ინახებოდეს საცავში; – თავშესაფარი უნდა იყოს აღჭურვილი სადრენაჟე სისტემით;
- ცხოველთა ქირურგიული ოპერაციების დროს გამოსაყენებელი სანესთეზიო საშუალებებისა და სამკურნალო საჭირო მედიკამენტების სია უნდა იყოს შეთანხმებული ცხოველთა დაცვის ორგანიზაციასთან.